



Lars Färber en plaina concentraziun.



In nivel fitg aut tar ils campiadis grischuns da tir da 10 meters.

FOTOS G. N. STGIER



In ferm team da Trun: Ils fragliuns Gianna, Annina ed Andri Tomaschett.



Persequità ils finals ha er l'antier luttader Beat Clopath.



Anja Cadalbert (a san.), la campionessa grischuna dals giuvenils, cun Yvonne Margreth, promotura da sport da tir en Surselva.



Terz plaz per Chiara Weishaupt.

Han persecuà ils finals da tir: divisiunari Lucas Caduff, Carl Frischknecht, president BSV, e Marcus Caduff, cusseglier guvernativ (da san.).

Dominanza da las tiraduras

Tir: Campiadis grischun 10 meters

DA GION NUTEGN STGIER / ANR

■ Il nivel tar las maestrans grischunas da 10 meters cun il schluppet pneumatic e la pistola d'aria è stà fitg aut. Contribuì bler a quella realitad han cunzunt er las tiraduras. Cun intginas excepziuns han ellas dominà la concurrenza. Stada sin il program è la 43avla ediziun dal campiadis grischun da 10 meters. S'inscuntrada en la tenda dasper la halla da la citad da Cuir è l'elita chantunala che tira cun l'arma pneumatica e cun la pistola d'aria. D'integrar la concurrenza grischuna en l'exposiziun Passiun è stada ina fitg buna idea. L'exposiziun è stada ina buna plattafurma per mussar e far pli popular il sport da tir e per mussar che quel è bler dapli che be sajettar intgins culps. L'interess davart dals aspectaturs è stà grond, han var 200 persunas persecuà ils tirs finals.

Victoria per Carina Caluori

En la concurrenza singula elita schluppet pneumatic era *Lars Färber* (Favugn) il grond favorit per gudagnar il titel. El ha bain gudagnà la qualificaziun, en il final però inscuntrà sin *Carina Caluori* (Razén) ch'ha fatg tut auter che simpel al commember dal cader naziunal. La tiradura ha a la fin gudagnà la medaglia dad aur cun in resultat da 242.7 puncts. Decidì a favur dad ella han ils dus ultims culps. Gi ha Caluori in avantatg da 0.4 puncts sin Färber. Cumpletà il podest ha *Cornelia Dätwyler* da Domat. Be plaz 4 è sa resultà per *Elena Tomaschett* (Rabius), ella ch'ha gia fatg intginas medaglias tar ils campiadis grischuns da 10 meters e



Sin il podest pistola elita: Paul Schneider, Elmar Fallett e Guido Zellweger (da san.).

50 meters. La concurrenza da gruppas ha gudagnà Domat, avant Trun ed il Team Surselva.

Ina classa pers sazez

La favorita tar ils juniors cun l'arma pneumatica era *Annina Tomaschett* (Trun). Ella appartegna al cader naziunal dals juniors ed è in grond talent da tir. Tar ils campiadis grischuns 2019 da sonda passada ha la matta gist declasà la concurrenza e vegnida campionessa grischuna cun in resultat da 240.8 puncts.

Persvas aveva Annina Tomaschett gia en la qualificaziun cun sajettar cun 610.4 puncts in nov record grischun. Segund è vegnì *Chris Wolf* (Trun) e sin il terz post è piazzada *Enrica Caluori* (Razén). Igis-Landquart I, Igis-Landquart II e Trun en ils teams ch'han obtegnì las medaglias tar las gruppas.

Dus Sursilvans sin il podest

La categoria dals giuvenils cun il schluppet pneumatic ha decidì *Anja Cadalbert* (Sevgein) a sia favur e quai cun in resultat da 385.3 puncts. La medaglia d'argent, quella ha retschet tar la rangaziun *Lisa Hobi* (Malans). Turnada en Surselva cun la medaglia da bronz è *Chiara Weishaupt* (Trun) ch'ha cumpletà il success per il team sursilvan. *Elmar Fallett* (Müstair) è il vegl ed il nov campiuon grischun en la categoria pistola elita. El ha defendì ses titel avant *Paul Schneider* (Razén) e *Guido Zellweger* (Zernez). *Tim Wolf* (Conters) è d'novamain vegnì campiuon grischun tar ils juniors, sco gia avant in onn. Sa mussads intgants da las bunas prestaziuns da tiradurs e tiraduras e cunzunt dals buns resultats da la garda giuvna en cusseglier guvernativ *Marcus Caduff* e divisiunari *Lucas Caduff*, els ch'èn stads giasts da la Federaziun grischuna dal sport da tir (BSV).

